

POSEBNI USLOVI ZA OSIGURANJE OD ODGOVORNOSTI SUDSKIH VJEŠTAKA

OZNAKA AKTA	IA-USL-2-011-1.0.		
TIP AKTA	TARIFA		
OZNAKA POVJERLJIVOSTI	interno	VERZIJA	1.0.
PROTOKOL	01-49-22/19	DATUM	23.01.2019.
	ORGAN/FUNKCIJA	IME I PREZIME	POTPIS
AKT PRIPREMIO	Ovlašteni aktuar	Bojan Latinović	
AKT DONOSI	Upravni odbor	Saša Vučenović	
<i>Ovaj akt je vlasništvo „Premium Invest osiguranja“ a.d. Banja Luka. Zabranjuje se korištenje, kopiranje i distribucija ovog akta ili njegovog sadržaja izvan Društva. Ukoliko ste došli u neovlašten posjed ovog akta molimo Vas da nas obavijestite na e-mail adresu info@premiumosiguranje.com.</i>			

Banja Luka, januar 2019. godine

Na osnovu člana 304. Zakona o privrednim društvima ("Sl. glasniku RS", br. 127/08, 58/09, 100/11, 67/13 i 100/17) i člana 33. Statuta društva za osiguranje „Premium Invest osiguranja“ a.d. Banja Luka, Upravni odbor na X sjednici održanoj dana 23.01.2019. godine, donosi sljedeće:

POSEBNE USLOVE ZA OSIGURANJE OD ODGOVORNOSTI SUDSKIH VJEŠTAKA

Uvodne odredbe

Član 1.

Osiguranim slučajem se u smislu ovih Uslova a koji ima za posljedicu nastajanje štete trećim licima.

Značenje pojedinih izraza i u ovim uslovima znači:

- Osiguravač – Premium Invest osiguranje a.d. Banja Luka s kojim je zaključen ugovor o osiguranju,
- Ugovarač osiguranja je lice (pravno ili fizičko) koje s Osiguravačem zaključi ugovor o osiguranju;
- Osiguranik -pravna ili fizička lica koja obavlja poslove vještačenja utvrđene Zakonom o vještačenju i čija je građansko pravna odgovornost osigurana u smislu ovih Uslova;
- "Treća lica" - lice koja nije subjekt ugovora o osiguranju odnosno lice čija odgovornost nije pokrivena osiguranjem;
- Polisa - isprava o zaključenom ugovoru o osiguranju;
- Premija osiguranja - iznos što ga Ugovarač odnosno osiguranik plaća po ugovoru o osiguranju.
- Vještačenje je postupak u kojem vještak, imenovan u skladu sa Zakonom o vještacima pozvan pred sudom ili drugim organom, koristeći se svojim stručnim znanjem, iznosi svoja sadašnja zapažanja i daje nalaz i mišljenje o činjenicama koje su predmet dokazivanja.

Predmet osiguranja

Član 2.

Predmet osiguranja u smislu ovih Uslova je zakonska odgovornost vještaka za štetu koju pričinu tokom vještačenja u sudskom, upravnom i prekršajnom postupku.

Osigurani slučaj

Član 3.

Osiguranim slučajem se u smislu ovih Uslova smatra svaki propust ili pogreška u obavljanju stručnih poslova koju prouzrokuje osiguranik svojim postupanjem, ili propuštanjem postupanja, smatra i jedna ili više grešaka (radnji ili propusta) koje su prouzrokovali jednu jedinstvenu štetu ili su proizišle iz jednog istog izvora, bez obzira na broj oštećenih lica.

Osiguranje se odnosi isključivo na odgovornost za imovinsku štetu u širem smislu, odnosno za štetu koja nije nastala ni ozljedom tijela ili zdravlja nekog lica niti oštećenjem odnosno uništenjem stvari.

Smatra se da je osigurani slučaj nastao onda, kad se ostvario propust ili pogreška u obavljanju stručnih poslova za koje odgovara osiguranik saglasno odredbama ovih Uslova.

Propust ili pogreška smatraju se poznatim, kad ih osiguranik sam utvrdi ili za njih dozna, nezavisno da li je postavljen odštetni zahtjev treće oštećene lice. U slučaju sumnje, podrazumijeva se, da je propust ili pogreška u obavljanju stručnih poslova nastala onog dana kada je određena radnja trebala biti preduzeta ili nepreduzeta, kako bi se spriječilo nastajanje štete.

Limit pokrića

Član 4.

Ugovoreni limit pokrića je najviši iznos obaveze Osiguravača po štetnom događaju.

Agregatni limit predstavlja gornju granicu obaveze Osiguravača za sve osigurane slučajeve ostvarene unutar jedne osiguravajuće godine. Najniži limit pokrića po štetnom događaju iznosi 30.000,00 KM.

Ugovarač osiguranja može ugovoriti i viši limit pokrića.

Ugovoreni limit pokrića i agregatni limit mora obavezno biti upisan u polisu osiguranja.

Učešće osiguranika u šteti

Član 5.

Ako je ugovoreno da osiguranik sam snosi jedan dio štete (franšiza), naknada iz osiguranja će se ako nastane osigurani slučaj, umanjiti za iznos ugovorene franšize.

Franšiza, ukoliko je ugovorena, mora biti obavezno upisana u polisu osiguranja.

Područje na kojem vrijedi osiguranje

Član 6.

Osiguranjem su obuhvaćeni osigurani slučajevi nastali na području Bosne i Hercegovine.

Početak i prestanak obaveze Osiguravača

Član 7.

Obaveza Osiguravača iz ugovora o osiguranju počinje po isteku 24-tog sata dana koji je u ispravi o osiguranju naveden kao početak osiguranja, ako je do tog datuma plaćena premija odnosno nakon isteka 24-tog sata dana kada je premija plaćena, ako nije drugačije ugovoreno.

Obaveza Osiguravača u svakom slučaju prestaje protekom zastarnih rokova iz Zakona o obligacionim odnosima.

Isključenja

Član 8.

Osiguranjem od odgovornosti stalnog sudskog vještaka nisu obuhvaćeni odštetni zahtjevi:

- 1) koji su posljedica štete na licama ili stvarima,
- 2) postavljeni od strane lica koje nisu stranke u postupku za koje se vještačenje provodi,
- 3) za štete koje nastanu zbog osiguranikovog nepridržavanja rokova određenih odlukom kojom mu je vještačenje povjereno,

- 4) zbog šteta koje su prouzrokovane namjerno ili grubom nepažnjom osiguranika ili zbog šteta nastalih kao posljedica svjesnog postupanja suprotno propisima po kojima se obavlja osiguranikova djelatnost,
- 5) za naknadu troškova prouzrokovanim dodatnim, naknadnim ili ponovljenim vještačenjem koji su povezani sa vještačenjem koje je prvobitno obavljeno od strane osiguranika,
- 6) koji su posljedica profesionalnih grešaka, nastalih za vrijeme kada osiguranik nije bio imenovan stalnim sudskim vještakom ili mu je izrečena privremena zabrana obavljanja djelatnosti vještačenja od strane suda,
- 7) u slučaju kada osiguranik daje svoj nalaz i mišljenje bez prethodnog zahtjeva od strane suda ili stranaka radi ostvarenja njihova prava, izuzev u slučaju kada za to ima odobrenje predsjednika suda koji ga je imenovao,
- 8) za štete koje osiguranik prouzrokuje strankama u izvansudskom vještačenju, ukoliko to nije posebno ugovoreno i naznačeno na polisi osiguranja,
- 9) iz vještačenja nakon pravosnažne odluke nadležnog tijela kojom je proglašen nesposobnim za obavljanje djelatnosti ili struke za koju je imenovan, ili pravosnažne sudske odluke kojom mu je oduzeta poslovna sposobnost,
- 10) koji su posljedica osiguranikove povrede tajnosti podataka koje je saznao prilikom obavljanja poslova stalnog sudskog vještaka, uključujući i gubitak podataka ili dokumenata (pisanih, štampanih ili elektronski pohranjenih), koji su bili povjereni osiguraniku na čuvanje.
- 11) Koji su nastali kao posljedica zloupotrebe povjerljivih informacija trećih lica od strane osiguranika ili njegovih zaposlenih, 12) Zbog prijevare, prisile, prijetnje ili drugih kažnjivih djela.
- 13) Zbog ugovorenih kazni koje su dužna platiti treća lica ili osiguranik.
- 14) Za štete koje nastanu Ugovaraču osiguranja, Osiguravaču, osiguraniku, zaposlenim osiguranika, bračnim drugovima, roditeljima ili djeci osiguranika, kao i drugim licama koje s njim žive u zajedničkom domaćinstvu i koje je dužan izdržavati 15) Zbog štete iz povrede prava licnosti (neimovinska šteta) koja nije direktna posljedica povrede tijela ili zdravlja trećeg lica pri čemu su iz osiguranja na vlastito isključeni svi odštetni zahtjevi koji proizlaze iz povrede prava na ugled, dobar glas, čast, dostojanstvo, poslovnu tajnu, slobodu privređivanja i sl.,
- 16) Zbog ugovornog proširenja odgovornosti osiguranika i na slučajeve kada po zakonu ne odgovara,
- 17) Zbog štete koje je učinio osiguranik postupajući po nalogu suda,
- 18) Zbog propusta ili pogrešaka osiguranika nastalih prije sklapanja ugovora o osiguranju od odgovornosti stalnog sudskog vještaka pa čak i ako se šteta manifestuje nakon sklapanja ugovora,
- 19) Zbog šteta proizašlih kao posljedica bilo koje vrste povrede autorskih prava, patenata, trgovačkog imena/marke, logotipa ili slogana,
- 20) Zbog šteta prouzrokovanih od strane osiguranikovih zaposlenih,
- 21) Zbog posljedičnih šteta kao što su zabrana uvoza ili izvoza, gubitak tržišta, pad cijena i sl.,

Obaveze Osiguravača

Član 9.

Osiguravač je u obavezi nadoknaditi svaku štetu koja nije predmet isključenja u smislu ovih Uslova, a za koju se utvrdi profesionalna odgovornost osiguranika do visine svoje obaveze.

Pravna zaštita

Član 10.

Obaveza Osiguravača na pružanju pravne zaštite obuhvata:

- 1) ispitivanje odgovornosti osiguranika za nastalu štetu,
- 2) vođenje spora u ime osiguranika ako oštećeni ostvaruje pravo na naknadu štete u parničnom postupku,
- 3) davanje u ime osiguranika svih izjava koje smatra korisnim za zadovoljenje ili odbranu od neosnovanog ili pretjeranog zahtjeva za naknadu štete,

Uz saglasnost i uz uputstvo Osiguravača, vođenje spora može se povjeriti osiguraniku koji se je u takvom slučaju dužan pridržavati uputstva i naloga Osiguravača u pogledu vođenja postupka u parnici. Osiguravač može preuzeti vođenje parnice ili stupiti na mjesto osiguranika ili sudjelovati u svojstvu umješača ili uz suglasnost parničnih stranaka, a saglasno odredbama Zakona o parničnom postupku.

Osiguravač je ovlašten da odbije vođenje spora ili da prepusti vođenje spora osiguraniku ako ocijeni da nema mjesta za pružanje pravne zaštite s obzirom na odnos visine zahtjeva za naknadu štete i visine sume osiguranja.

U slučaju da Osiguravač, na ime naknade štete, isplati sumu osiguranja prije pokretanja spora, prestaje i njegova obaveza na pravnu zaštitu.

Naknada štete i rokovi za rješavanje

Član 11.

Kad se dogodi osigurani slučaj, osiguravač je dužan isplatiti naknadu iz osiguranja u ugovorenom roku koji ne može biti duži od 14 (četrnaest) dana, računajući od kada je osiguravač dobio obavještenje da se osigurani slučaj dogodio.

Ali ako je za utvrđivanje postojanja osiguravačeve obaveze ili njenog iznosa potrebno izvesno vrijeme, ovaj rok počinje teći od dana kada je utvrđeno postojanje njegove obaveze i njen iznos. Osiguravač isplaćuje naknadu iz osiguranja na temelju:

1. priznanja koje je dao ili odobrio,
2. nagodbe koju je zaključio ili odobrio,
3. sudske odluke.

Osiguravač je ovlašten da na ime naknade osiguraniku položi sumu osiguranja te se u tom slučaju oslobađa svih obaveza i postupaka u vezi sa osiguranim slučajem.

Osiguravač učestvuje u deponovanju radi osiguranja naknade štete koje bi osiguranik bio dužan deponovati na osnovu zakonskih propisa ili sudske odluke i to najviše do iznosa visine njegove obaveze na naknadu štete.

Ako se Osiguravač protivi prijedlogu osiguranika da se o zahtjevu za naknadu štete nagodi, te ako ishod spora bude nepovoljniji od predložene nagodbe, dužan je platiti naknadu u visini iznosa osiguranja umanjeno za iznos ugovorene franšize, kamate i troškove pa i onda kada prelaze sumu osiguranja.

Naknada troškova postupka

Član 12.

Osiguravač naknađuje sve troškove parničnog postupka ukoliko je sam vodio spor ili je dao saglasnost osiguraniku na vođenje spora pa i onda kada zahtjev za naknadu štete nije bio osnovan. Ako je parnica vođena bez znanja i saglasnosti Osiguravača osiguranjem su pokriveni troškovi spora, ukoliko zajedno s naknadom štete ne prelaze sumu osiguranja.

Osiguravač snosi troškove branioca u krivičnom postupku pokrenutom protiv osiguranika zbog događaja koji bi mogao imati za posljedicu postavljanje zahtjeva za naknadu štete na osnovu odgovornosti pokrivena osiguranjem i to samo izuzetno, ako je upoznat s izborom branioca, i prihvatio da snosi troškove.

Troškove krivičnog postupka, kao i troškove zastupanja oštećenog, Osiguravač ne naknađuje. Kada izvrši svoju obavezu isplatom sume osiguranja, Osiguravač se oslobađa daljnjih davanja na ime naknade i troškova po jednom osiguranom slučaju.

Neposredni zahtjev oštećene lica

Član 13.

Ako oštećena lica zahtjev ili tužbu za naknadu štete pokrene samo prema Osiguravaču, Osiguravač će o tome izvijestiti osiguranika i pozvati ga da mu pruži sve potrebne podatke, a sam osiguranik će poduzeti mjere radi zaštite svojih interesa. Ukoliko se u slučaju iz prethodnog stava Osiguravač odluči isplatiti naknadu oštećenom, u potpunosti ili djelomično, dužan je o tome izvijestiti osiguranika. Oštećeno lica može zahtijevati neposredno od Osiguravača naknadu štete za koju odgovara osiguranik ali najviše do iznosa Osiguravačeve obaveze.

Obaveza osiguranika

Član 14.

Osiguranik je dužan prijaviti štetu u roku od 3 dana od dana nastanka osiguranog slučaja, odnosno od dana kad je za štetu saznao i mogao je prijaviti. Osiguranik je dužan nezavisno od roka u kojemu je podnio prijavu štete, predstavniku osiguranja pružiti sve podatke i druge dokaze koji su potrebni za utvrđivanje uzroka, opsega i visine štete. Osiguravač može isto tako zahtijevati da osiguranik pribavi i druge dokaze, ako je to nužno potrebno i opravdano.

Osiguranik je dužan izvijestiti Osiguravača i onda kada zahtjev za naknadu štete protiv njega bude istaknut preko suda, kada bude stavljen u pritvor, kao i onda kada bude poveden postupak za osiguranje dokaza.

Ako je proveden uviđaj, podignuta optužnica ili je donesena odluka o krivičnom postupku, osiguranik je dužan o tome odmah izvijestiti Osiguravača, pa i onda kada je već prijavio nastanak štetnog događaja. Takođe je dužan dostaviti nalaz nadležnog organa u vezi sa nastalim štetnim događajem.

Osiguranik nije ovlašten da se bez prethodne saglasnosti Osiguravača izjašnjava o zahtjevu za naknadu štete a posebno da ga prizna potpuno ili djelomično, da se o zahtjevu za naknadu štete nagodi, kao ni da izvrši isplatu, osim ako se prema činjeničnom stanju nije moglo odbiti priznanje, nagodba odnosno isplata, a da se time ne učini očigledna nepravda. Ako je osiguranik u zabludi smatrao da postoji njegova odgovornost ili da su ispravno utvrđene činjenice, to ga neće opravdati. Ako oštećeni podnese tužbu za naknadu štete protiv osiguranika, osiguranik je dužan dostaviti Osiguravaču sudski poziv odnosno tužbu i sve spise

i akta u vezi sa štetnim događajem i zahtjevom za naknadu štete kao i da vođenje spora prepusti Osiguravaču.

U slučaju da se oštećeni sa zahtjevom za naknadu štete neposredno obrati Osiguravaču, osiguranik je dužan Osiguravaču pružiti sve dokaze i podatke sa kojima raspolaže, a koji su neophodni za utvrđivanje odgovornosti za pričinjenu štetu te obima i visine štete.

Ukoliko se osiguranik ne pridržava obaveze iz ovog člana snositi će štetne posljedice koje uslijed toga nastanu, osim ako bi one nastale i da se pridržavao obaveza.

Utvrđivanje i isplata štete

Član 15.

Šteta se utvrđuje u skladu s odredbama Zakona o obligacionim odnosima, a isplaćuje se najviše do sume osiguranja navedene na polisi.

Vansudsko rješavanje sporova

Član 16.

Sva lica koja svoj pravni interes crpe iz Ugovora o osiguranju zaključenom prema ovim uslovima, prvenstveno će sve svoje eventualne sporove sa osiguravačem, koji proizilaze ili su u vezi sa predmetnim Ugovorom o osiguranju, nastojati riješiti sporazumno, podnošenjem pisanog zahtjeva ili prigovora. O prigovoru ugovarača osiguranja, odnosno osiguranika odlučivaće osiguravač, u roku od 15 (petnaest) radnih dana od prijema prigovora. Ukoliko osiguravač ne odgovori na prigovor u navedenom roku, smatraće se da je prigovor odbijen.

Nadležnost u slučaju spora

Član 17.

U slučaju da strane iz ovog ugovora o osiguranje ne uspiju riješiti spor proizašao iz zaključenog ugovora o osiguranju na način opisan u prethodnom članu, nadležan je stvarno nadležni sud u sjedištu Osiguravača.

Predsjednik Upravnog odbora

Prof. dr Saša Vučenović

Posebni uslovi za osiguranje od odgovornosti sudskih vještaka su u skladu sa Zakonom o društvima za osiguranje, uz primjenu načela i principa aktuarske struke pa se isti mogu primijeniti u praksi što svojim potpisom potvrđujem.

Ovlašćeni aktuar

Bojan Latinović